

وماج وادي كربله ابهاي الرزية
والحسين ابعينه دمعاته جريه
ينظر اصحابه على حر الوطيه
بالمعاره ظلت اجثثم دميته
لو صفت يحسين خيمتكم خاية
جاي يطلب رخصه مشتاك المنية
وقال بيني فرگتك تصعب عليه
هيجت گلبي يابن خير البرية

دارت صروف الحرب بين العساكر
والأعادي امحاوطه خدر الهواشم
ظل ابو اليمه وسف محتار فكره
والشباب امجدله فوگ الترايب
وصوت لمنادي ينادي وين لنصار
نزلت ادموع الألم من شاف لكبر
گام لبنه وقبله وضمه لصدرة
يا شببيه المصطفى وقطعة فوادي

نادى ابونينه	زينب ياحزينة	يولاد الزچيه
قوموا يا هواشم	ليلي و الفواطم	يا أهل الحمية
لن الحومه عازم	ما يتركها سالم	بن خير البرية
لو يتجاري دمه	الله يساعدامه	ابعظم الرزية

يهتف انا ابن الحسين افدي الإمامة
وصوب للكبر هامته وشقاها نصين
صوب لي گلبي يا حبيبي بجملة اسهام
وأمه تصيح اب آه وتفجع گلب لحسين
وهالقوم ماعدها رحم للهشامية
بعذك على الدنيا العفى واتمنى البين

لكبر نزل للمعركه وكله شهامه
وابن الدعيه بالغدر شاهر حسامه
وحسين اقله بويه من صوب لك الهام
انهض بشيالك للخيم لامك يضرغام
جسمك تگطع من خناجر آل اميه
بينني مصابك زيد اعليه الرزية

تبجي ألمية گلبي بعده مجروح
وراسه تهشم ويلى دمه مسفوح
ابگی على الهم والوجع مع النوح
جثه على حر الوطيه مطروح
ياريت انا قبلك يلكبر مذبوح
انفتت بعذك يغالي هالروح

تصرخ تنادي
وسفه الگمر غاب
بعذك يغالي
فوگ الترايب
وحسينه بأهات
فراگك هظيمه
صابوا فوادي
ودمومه لخضاب
انظر لحالي
ظل عزي غايب
ينحب بويلات
وشگد أليمه

تحسب اجراحاتك وتسمع ونييني
خلها بس هالساعة تتأمل في عيني
والطفولة الي مضت بأجمل سنيني
من أحنّ للهادي يا أجمل بنيني
وأذكرك من تدخل اتقبل جبيني
سامح الله الفرقوا بينك وبينني

نايم اعلى الغبرة يا أكبر حيني
لحظة أجّل موتك ولا تظفي عينك
رايد أسرد لك يالأكبر ذكرياتك
چنت أشيالك عالصدر وأنظر جمالك
شمعة چنت بداري أضويها بجبينك
صعبة أنظر لك على الغبرة بجراحك

مقاوم غيابك	دألي ايتفطر	من ترحل يالأكبر
تفجعتني بعدابك	موتك هو مماتي	يا شمعة حياتي
بيچون المصابك	وحزن العيلة خيم	شلتك للمخيم
يالغالي بشبابك	أمك ما تهنت	وليلي بوئة وئت

ما عندي جرح بهالقلب من جرحك أكبر
وانته الي ظهري بطحيتك مني تكسر

بعدك على الدنيا العفا بيني يالأكبر
بعدك يبعد أهلي قلب أمك تفتطر

ودمومك بحر الترايب تجري صوبين
كل المصابي هونتها مصيبة حسين

عايف شبابك يا حبيبي ومّجه وين
جناك تقول بمحنتك يا ناظر العين

بس يبقى سالم بويه للوديعة
والوالي ظامي وحاير برضيعه
مقطوعة منه جفوفه ع الشريعة
واشلائي كلها موزعة وقطيعة
وكل عمري لحسين بفخر أبيعه
واعليه نوحوا بكل زمن يشيعة

دألي والعين
ما اشرب الماي
ما رايد أنفاس
ودمومي تنصب
فوق الترايب
دوم اذكروني
أفدي بهم حسين
واتفاني بظماي
والوافي عباس
للحورة زينب
ويه الحبايب
وحسرة انبدوني